

竹垞小志卷五

學使者阮元手訂 元和蔣徵蔚編錄

嘉慶二年秋芸臺先生再駐節嘉興正值
重建暴書亭落成更和百字令詞紀事太
守伊小尹先生復爲之記一時士人之歌
詠者皆附錄焉

阮元暴書亭落成重和云南垞荒矣問書船潞
水何人停泊經卷詩篇零落後魂夢向誰棲託
把酒能招披圖相慰畢竟歸來樂結成亭子我
今重爲君落 才見五馬行春雙鳧漾水攜畫
竹垞小志 卷五 一靜園叢書

同斟酌尚有孫枝桐葉在護爾秋風蓮幕疊石
栽花引牆圍竹依舊分林壑者番題柱夕陽休
礪牛角

案芸臺先生自記云元既摹竹垞圖和詞題
卷復屬伊太守湯安司令尹能任何令尹際
昌重建暴書亭立四石柱以鐫文筆嘉慶二
年秋元再至嘉興適當落成太守復得其後
人授以館穀且爲畢婚皆佳事也因復和百
字令詞書於卷後

伊湯安重建曝書亭記云梅會里暴書亭者秀

水朱竹垞先生所築而因以名其集者也先生
舉康熙己未詞科入翰林預修明史歸田後擁
書八萬卷勤著述尤篤於經所輯經義考三百
卷

聖祖南巡賜額有研經博物之褒乾隆四十二
年 太上皇帝賜題長律海內翕然宗之嘉慶
元年學使閣學儀徵阮公案試禾郡以講經術
敦行誼爲士子訓士風振起湯安承乏郡守於
士之賢者亦皆識之試事畢公特訪暴書亭遺
址則廢已百年矣乃與大中丞玉公方伯謝公

竹垞

小志

卷五

二靜園叢書

觀察秦公議修是亭而湯安實任其事遂清復
遺址官給值以贖之芟荒鋤蕨繚以短垣亭柱
四易以貞石使可久且以爲鐫字之地仍懸嚴
蓀友中允所書扁過者不啻先生在時也且蒔
花貼石畧還桐階蘭砌之舊牆陰有桑百十株
則畀其後人資修葺費而曩之芟池芋陂以及
繡鴨灘落帆步諸景供遊觀之勝者姑俟諸郡
人之續成焉可已是役也邑令司何兩君爲湯
安分任其事而司諭車君專董之落成之日乃
進斯鄉之人而告之曰公之建是亭也非徒惜

名跡之湮沒也非徒爲檢討子孫復祖業也將
以使鄉之人知鄉之有賢士大夫雖沒世而猶
當尊且敬如此也使檢討之子孫知先人之遺
書手澤存焉當守且讀如此也且以使四方之
士聞之知通經博古述作不朽潛德久而益光
其興起當如何也知

聖天子以正學教天下學使奉

命稱職必以經術深厚文章爾雅之儒是崇是
奉其奮發激厲又當如何也

丁子復重建曝書亭頌并序子復讀朱竹垞先

竹垞小志

卷五

三靜園叢書

生鄭康成不當罷從祀議未嘗不撫卷竊歎先
生表章正學之功不在孔北海下而前代經學
之疎我朝經術之盛胥於是乎在也閣學芸
臺夫子督學山左過高密之里表通德之門抉
泥沙修祠宇刊碑頌德獎厲後昆海內士林聞
之咸以手加額幸孔北海復見於今日也嘉慶
丁巳歲奉

天子命移節浙江發明經術砥礪廉隅振拔寒
畷人又翕然以爲司農再出矣駐節嘉禾時訪
問先生里居惜其後不振暴書之亭傾圯日久

乃率僚屬捐廉重構巋然復峙蓋我夫子學司
農之學故得一重司農之人不啻如見司農先
生亦學司農之學者也子復幸廁門下得聞緒
論於先生又同里後學也喜見此亭之重建爲
之頌曰曝書之亭長水之偏亭圯名存斯愛斯
傳吁嗟先生蠖屈龍跽身窮於野名達於天應
鴻詞舉爲玉堂仙史修芸閣書進經筵遂初解
組著述林泉

御筆褒賞日月同懸爬梳經義討原尋沿擁入
萬卷以娛老焉著書亭內曝書亭前風幔高揭

竹垞小志

卷五

四靜園叢書

書帶葱芊山邱華屋倏忽變遷桂戕偃蹇竹翦
便娟雨風凄緊猿雀悒煩我聞父老亭剩頽墮
墜菽者輒病而癩畱此尺土待公架椽公昨蒞
止訪舊流連鳩工起廢累石支磚取松與柏有
角其挺貞珉礪錯詩記雕鐫舊觀頓復既固且
堅猗與我公馬鄭隨肩七錄手校百家手編仙
館書富祕室經研津逮承學紹述先賢斯亭之
建風義昭宣澤媿通德名高草竄仰止何極六
峰蒼然

鄭勳重建暴書亭銘嘉慶元年丙辰閣學阮公

案試嘉禾過竹垞先生故里見暴書亭已圯慨然捐俸重建大中丞玉公以下皆樂助其成二年丁巳秋復駐節則歸然峙焉過柴桑者訪淵明之宅遊浣花者問草堂之址此亭之成一時詠歌紀事以公爲先生千載知己其表章前賢獎勵承學功非淺鮮也勳幸廁門下竊有所陳聞太守伊伐石以爲亭柱爰濡染筆墨擬爲之銘銘曰 梅里竹垞拓地百弓有亭暴書字綠鉛紅名士心期千載相同重新之舉表章之功憶昔先生好古由衷擁入萬卷亦足自雄討尋

竹垞小志

卷五

五靜園叢書

終日坐臥其中芸香馥郁帶草青葱玉堂仙史長蘆釣翁林泉娛老文獻是崇大雅不作三徑蒿蓬根芟修竹月冷孤桐變爲桑柘或植葵菘問誰起廢厥惟我公捐廉創舉計日糾工遺規重復厦屋帡幪蘭生舊砌桂植新叢表賢式善起曠振聾經書七錄疑義研攻後先一轍著錄貫通門旌高密政頌山東堂題二老敝廬恩蒙煌煌椽筆到處紗籠賢哉太守伐石磨礮貞茲亭柱勝彼碑豐傳之奕世共仰清風
李穀重建曝書亭賦粵東南之文藪實靈秀之

所鍾曜星躔於牛斗騰劍氣於芙蓉運際歸昌
鳴鳳歌於萋葦時當景鑠衣冠集乎章縫吾里
之竹垞太史繡州之相國華宗才高吐鳳技擅
雕龍鄭經神通德之門梓里傳爲盛事班叔皮
賜書之宅縹帙擬乎素封固宜推鴻才於四國
邀特達於

九重原夫暴書亭之構也初服餘情菟裘素願
拓百弓以開基度小園而起建垞通南北任步
屨以興長竹號平安憂琅玕而韻遠環以槐泚
芟池繞以桐堦蘭畹三蒼四部長充晏子之楹

竹垞小志

卷五

六靜園叢書

玉軸牙籤足破相如之悶笑郝隆之腹笥但鼓
便便類禹穴之駒光彌憐寸寸迫乎陶潛一去
菊逕全非揚子長辭雲亭空怨不勝俯仰於一
代之流風而太息於百年之文獻者也陔陔既
久嘉會適丁逢淮南之學士臨

天上之使星出入於天祿石渠校書之閣雍容
於承明金馬著作之庭乘輶車而衡玉尺採風
詩而訪前型聞遺亭之荒圯捐餘幣而丁寧仰
奎章於天漢昭博物而研經上體

熙朝用光昌乎儒術下彰文炳速教化於螟蛉

此固有關於乎氣運夫豈僅係於一亭更有太守
風流股肱名牧蓄雅志於琴書寄閒情於案牘
念前輩之風騷嗟舊亭之荒鞠於是命般輪興
卜築勵良材以鳩工尋遺址而建復文牕敞以
玲瓏雕欄周乎曲象亭仍可棲書仍可曝曲水
通波小山豁目有池有荷亦垞亦竹花氣半床
松聲滿屋如聞磬咳依然逕闢三三恍入畫圖
渺矣峰圍六六想夫茶烟凝閣靜志宜居當暄
和之朗日曝祕玩之羣書史則騰龍門之神彩
經則傳韓氏之菑畲諸子既雲譎而波詭百家

竹垞小志

卷五

七靜園叢書

更充棟而承廬上自墳典邱索下迨小說虞初
莫不香生萬卷光溢五車神遊百代味玩三餘
此太史當日結亭之趣也而今則情景之宛如
可知名以久而益彰蹟無湮而不露既殷訪於
當途遂更新乎舊圃欣欣助則清俸能捐論梓
匠則香楠畢聚登斯亭者莫不景仰盤回婆娑
企慕況乎謝家羣從不改儒風王氏門才正繁
萼附攤書五夜仍紅醜舫之燈垂釣三秋克繼
長蘆之步何足與南陽樊重洞房連闥而竝誇
西漢王根青瑣綠墀之比數於是命朋儔披蘭

路認芸籤拂竹素誇桑梓之光風挹清芬於朝
暮仰前哲以馳情愧抽毫而作賦

又詩海內徵文獻巍然仰此亭秋光先到竹池
水舊開萍清助羣公俸高翻祕閣經垞南好風
日仍對六峰青 昔表孤松健舊址側有古松一枝今看

一角新圖書日留客花葉盡生春此地增佳話

他鄉亦美輪四明傳盛事配食曉行人四明鄭氏有二

老閣為鄭秦川黃梨洲兩先生講學之地公命鄭生勳別建二老堂奉祀寒邨竹垞兩先生栗主有詩云別擬建堂尊二老竹垞經義曉行詩

吳曾貫暴書亭落成詩園敞通儒里亭開檢討

竹垞小志 卷五 八靜園叢書

家累恩懸舊額嚴檢討繩孫所書暴書亭額猶存丹藻落飛霞

逸邈修垣繞紆迴曲徑斜擷蘭仍北砌亭有桐階蘭砌

暨繡鵬灘諸景問竹儼南垞緬昔先生系曾傳宰相麻

餅山環繡水文恪公國祚舊第在郡城碧漪坊吳苑闢朱衙文恪

贅於長洲何氏遺宅近臨頓里門今有隙地名朱衙場見暴書亭詩注再世奇英

出羣材駿逸誇髻年居櫺李先生幼居舊第年二十一始移居梅

會里綺歲對王瓜先生六齡就塾以后蝨簡搜三

篋蚪文博五車襟懷元澹蕩詞賦最清華落魄

嶺南驛驚心塞北笳先生嘗幕游嶺南後又馳訪曹侍郎塔於塞上

驅常激越奔走每吁嗟旅食依蓮幕鄉情戀釣

植擢歌聞欸乃先生旅食潞河作漁唱記嘔啞

鶴放雙洲樹脂傾十里花放鶴洲傾脂河俱見郡志竹鄰歸

未得竹鄰里元陳秀民所居先梅里願逾賒幸

赴柴車

召爭看纁帛加康熙十七年科嚴侍郎沆等交薦先生特開制姓

名

三殿徹先生與李檢討因篤姜編修宸英嚴檢討繩孫號四布衣上達宸聽

譽望十州嘉先生曾與尤檢討珊網收羣俊瓊

辭擅八义衣辭蓬室布帳啟玉堂紗趨直晨過

竦歸鞭暮策駟先生官供奉禁中騎馬賜瀛洲凌

竹垞小志卷五 九靜園叢書

汗漫蓬島躡谿舄

恩賜詞臣酪

榮頒學士茶爨烟連

禁樹庭影集

宮鴉垣景山之北賜居禁 共謂羣空冀伊誰曲愧巴

談經窮月窟揮翰走風琴老去增孤潔年來鄙

飾塗一從形白簡無復佩青綯花市紛開纈藤

簷細綴葩先生都寓古藤書屋後移寓槐市斜街集中所云為貪花市斜街是也

何心厠鷓鴣雅願侶魚蝦屬禹鴻臚尚基寫小長蘆釣魚師圖日

下搜羅遍輯日下天衢企望遐元珠探象罔寶

鶚淬干邪自動雲山興言歸煙水涯先生出都

畫山水 蕖荷香滿沼亭結於荷 芡芋碧連沙不

美面城僻奚嫌近市譁市名 飛檐方結構列檻

更週遮插架琳瑯滿盈箱卷軸奢床琴珠作柱

屏石玉無瑕水響灘歸鴨烟深岫隱慶碧梧陰

冪厯翠柏勢騰挈夜雨滋青蘚秋風落紫茄一

簾穿社燕兩部聽鳴蛙晚境長娛此名園豈遜

耶編詩想陳起集中句云直待書坊有 問字半

侯芭迎

駕懷瞻就成書進媻媠儒林追鄭孔古哲夢羲

竹垞小志 卷五 十靜園叢書

媯一一憑梳櫛紛紛藉剔爬紅光燭霄漢

瓊榜走龍蛇康熙四十四年 南巡進經

博物四 回首書千秩空存水一窪池上偶成句

字匾額 閒門延薜荔荒徑折籬笆巢樹飈傾鶴黏

窪水一 牆兩占蝸那期持絳節輒復問蒼葭身欲維風

雅言寧惜齒牙去歲學使阮公按部至禾囑郡

落成 為梁求杞梓作棟豎松樺匠石經營竣羣

工笑語哇依然壁歸趙噓彼日追夸紀勝丹毫

繪來遊畫鼓擗遠看櫺窳窳隱見樹杈桺檠戟

迂高駕琴書載小艇前迎咸踴躍創見共歡呀

圃菊猶含蕊汀蘭未吐芽新楹歌有覺故址認

無差入望層巒迴及山在西橫山在南皆可望見關心古研窠

研山為崑山徐氏購去見香祖筆記欣隨官舫至野艇自輕划

李富孫重構暴書亭落成紀事詩

聖代崇經術羣瞻梓里賢傳家由故相竹垞先生為文

恪太傅曾孫應

詔列神仙先生以布衣舉鴻詞科杜庫兼包孕曹倉悉貫

穿牙籤儲入萬暴書亭藏書八萬卷琴譜錄三千

禁苑投簪去香茅結屋偏亭為解組後所築先生他上編雜詩試添

隔岸香茅屋購藏堪暴蠹先生鐫石曰購此書甚不易願子孫勿輕棄每得精

竹垞小志卷五 十靜園叢書

本必印於首頁作述正歸田額捧

奎章燦聖祖南巡先生進呈經義特賜研經博物扁額題邀

御翰宣乾隆律冠經義考之首御製排斯文推正系潘稼堂序

暴書亭集語大雅孰隨肩遺著垂千載流風溯百年

一亭嗟蔓草三徑惜荒煙星使欽嵩率淵源接

後先丁巳春公倡捐重構漢唐追碩學鄭孔得真詮汲古

深涵海研經力障川公有學經室玉壺冰皎皎春月

柳娟娟浙水欣陶育羣材沐化甄採詩情繾綣

公輯兩浙遺詩三千餘家各兩浙贈軒錄訪舊意殷拳為憶金風長

先生晚號金風亭長兼詢往日椽榛蕪殊慨息蒿沒更縈

牽

文教資重振清廉首倡捐羣公咸節俸自中丞

下各捐廉庀材佳話喜成編遠近賦騷雅逢賢守勳名

望斗躔耐圍郡守鳩材親會計郡守命車半拓

地助緡錢亭舊址已易他姓太蹟自誅茅見功

因伐石堅公命伐規模仍舊制結構俯清漣在亭

荷花池既藉芝為棹還看蕙作檣桐階當月底

蘭砌倚風前巖露栽青桂桐階同心蘭砌青桂

暴書亭偶然作詩池平漾碧蓮亭在池上東翠

筠移岸側暴書亭偶然作詩繡鴨隱灘邊繡鴨

竹垞小志卷五 三靜園叢書

亭之岡記名橙子橙子岡在坊宜號釣船池上

坊芋陂晴漱灑芋陂在槐泝水潺湲槐泝在靜

志居九寂靜志居抽帆步亦便抽帆步池上景

茶烟斜繞竹茶烟閣松黛欲參天先生南垞詩

尺齋齋在羅浮蝶更妍垞西

浮蜩芭蕉長滴雨楊柳自吹絲暴書亭偶然作

蝶局外門巷鳥聲靜籬笆鹿眼圓先生積雨詩鹿眼

編籬詩好編六峰看好在六峯閣謂峽石東西

擬築橙子一箇故依然暴書亭偶然作詩園小

傳真易暴書亭偶然作詩獨易傳 堂開景共

延潛采堂在亭之北惜已久圯畫圖洵似矣先生有竹垞圖位置豈

殊焉遙想招吟屐頻過對酒筵往來同塵話歌

詠竝蟬聯秋水寧修阻蒼葭獨泝沿先徵士秋錦公與先

生交最契所居漾葭灣相隔僅一水扶輪商古調翦燭和鳴絃南

北垞分占先生題王叔楚墨竹詩吾家長東西

濠接連孫巖濡墨健竹垞二字孫侍郎退谷所題暴書亭額為巖中允蕩

漁周沈伴花眠謂里中當谷藍邨諸先生側帽量晴雨池上編籬

詩為農也解量晴雨攜筇越陌阡南垞詩著屐扶筇越陌阡咸知歸領

袖不僅樂林泉老輩嗟何邈高踪孰與傳維持

端有賴興起詎無緣盛事真堪紀鴻文試重鐫

竹垞小志 卷五 三靜園叢書

公與郡守俱有記文錢石柱豈徒鄉曲士共仰日星懸

楊蟠方廷瑚重建暴書亭紀事聯句一百韻海

內尊朱十蟠孤亭鎮九垓布衣名姓重廷瑚宰

相世家貧少日矜儒雅蟠流風見性真立言皆

有物廷瑚涉筆盡如神交與周貧徐善合蟠情

惟俞汝言繆泳親獨吟邀短李良年廷瑚薄醉覓

迂辛述作平生癖蟠疎狂舉世嗔數年棲粵嶠

廷瑚幾度滯吳闈烟雨歸耕客蟠江湖載酒人

聚書開勝地廷瑚展曝趁良辰玉軸題籤滿蟠

香廚插架勻蝸涎汚詰屈廷瑚蝨粉剔磷豳短

檻時頻倚蟠層檐日幾巡夕陽移柱礎廷瑚朝
旭射映振瀏覽三墳出蟠紛披七略陳藏來入
萬卷廷瑚抵過百千緡探討無虛晷蟠眠餐廢
淡旬然糠深雪夜廷瑚散帙好花晨辨析援鄒
夾蟠搜羅徧墨荀放言雖娓娓廷瑚論古迺齟
齟夾深訶刪序蟠司農議擎禋詩尤拮魯直廷
瑚文不愛蘇洵曬後投諸篋蟠曠殘疊以菌食
常甘茹藿廷瑚衣豈恥懸鶉方謂耽幽僻蟠終
將洽隱淪何期千里志廷瑚歛忽一朝伸籍未
通金馬蟠名先徹

竹垞小志

卷五

高靜園叢書

紫宸自南儲竹箭廷瑚當代得麒麟本是漁樵
侶蟠俄聯侍從臣

御香攜錦袖廷瑚官馬踏花茵檢點晴牕字蟠
霏微短褐塵臨池揮禿管廷瑚度曲付歌脣仙

苑非踰分蟠名山乃夙因抽簪辭朶殿廷瑚單

舸返湖濬三里梅環屋蟠千竿竹作隣爲園追
庾信廷瑚築室仿靈均廣闢三三逕蟠閒談入

八民

先生贈閩百詩云
馬騁劇談九皇八八民

荷池聞鼈鵠廷瑚

酒庫貯芳醕盤進烏頭芡蟠厨烹雉尾蕪奇文
尋共賞廷瑚疑義肯相循亡篋皆能補蟠遺書

靡不甄泰交曾特達廷瑚

巽命又重申已沐冰銜賜蟠還叨雨露仁

奎章紛璀璨廷瑚

睿藻麗玢璘稽古先生力崇儒

聖主恩巾箱恣貫串廷瑚腹笥妙紛綸養粹功

彌進蟠年高德愈純課孫心眷眷廷瑚東友語

諄諄沼上攜吟屐蟠坊邊繫釣輪懶覘峰六六

廷瑚倦聽水潏潏草閣臨虛岸蟠瓜疇失遠畛

桐摧稀鳳羽廷瑚松折少龍鱗垞北人纔去蟠

洄南跡便湮晝陰低密篠廷瑚晚翠委叢筠壞

竹垞小志

卷五

五靜園叢書

壁青藤絡蟠頽垣碧蘚皴亭荒全積草廷瑚堂

圯半埋藁憑眺懷靡詰蟠經過感却詵蛩蝻鳴

唧唧廷瑚狐兔走洗洗巖挂何堪折蟠盆蘭孰

與紉末由栽杞菊廷瑚空欲薦蘩蘋先達風將

杳蟠吾儕氣益振關心思往事廷瑚翹首望秋

旻仰止應如此蟠芬芳未可泯浙西無嗣響廷

瑚江左得傳薪邇者名賢至蟠超然化理溘藥

籠收杞梓廷瑚珊瑚網滿琪珣持節漸江介蟠觀

風秀水濱菲材蒙藻鑿廷瑚苦窳待鎔鈞得士

皆殊絕蟠論文邁等倫羣知卑帖括廷瑚咸許

屏帖呻金石文爭考蟠鈎銛法共遵中流看砥
柱廷瑚大雅賴扶輪博物空前輩蟠研經認後
身竹垞神契久廷瑚齷舫寄懷頻舊跡曾垂訪

蟠遺聞每致詢花凋紅菡萏廷瑚峰減碧嶙峋

圖畫徐堪撫蟠林泉盡足珍寒厓猶稜稜去聲廷

瑚芳甸尚昉昉亟為徵詞句蟠旋教出俸銀買

田除瓦礫廷瑚持鋪去荆榛眾技精淘汰蟠良

工妙選掄香茆依舊縛廷瑚紅土再加瑾華棟

中央列蟠豐趺四角填陟隣切闌干圍曲彙廷瑚

磐石帖輪困蘚榭經重構蟠枳籬又一新芟池

竹垞小志 卷五 夫靜園叢書

風蕩漾廷瑚槐汧縐溱滄鶴起梳翎健蟠魚游

掉尾莘軒楹分外敞廷瑚鳥雀復來馴小閣宜

烹茗蟠長蘆好問津福包三九地道書洞天福地在浙江共

二十有七先生詩云洞壑包三九廷瑚樹計八千椿時將補種竹樹回想

披芸笈蟠渾如見角巾淵源非渺渺廷瑚子姓

各彬彬感激爭延佇蟠歡忻屢笑嘖窗明仍照

字廷瑚榻下可畱賓官冷欣來鄭謂車學博蟠才高

喜借恂謂伊郡守詩求題巨筆廷瑚記請勒豐珉盛

事誇吾里蟠長歌效客顰靈光常紀魯廷瑚天

一竝畱鄞覆蔭棠如召蟠流膏雨是郇從游著

錄地廷珮勝似舞雩春蟠

吳東發暴書亭落成詩誰道杜陵零落後百年

重寄草堂貲

零落棲遲杜陵叟何人尚寄草堂資竹垞暴書亭偶然作句也頓

教問字亭重構俾識窮經事可師著色短屏依舊補護廬寒玉待春移旌揚碩德殷懃意生長鄉閭知不知

張廷濟暴書亭落成詩當代論儒術長蘆一釣師丁年騰駿譽甲等擢鴻詞結屋一亭古藏書萬卷宜阿誰圖入景蘭砌與芟池長水人何在空餘舊跡存草荒揚子宅雲鎖鄭公門故址

竹垞小志

卷五

七靜園叢書

隣翁圃殘畦野老園遺編半零落風雨孰重論星使森文雅研經接後先發題詩課盛摹象畫圖偏爲復金風宅因分月俸錢遙遙百年後舉廢豈無緣結構規前制孤亭勝可探桑陰遮老屋荷影俯清潭樂石鑄新柱奇書認舊龕它年志梅里故事話垞南

金以報暴書亭落成詩管領鴛湖萬頃秋小亭重憶舊風流溪山興廢成佳話煙水縈迴足夢游名士心期千載合詩人老屋百年留標題合倩凌雲筆垞北垞南待放舟

錢械暴書亭落成詩草堂結構宛如前雲幙風
窗映碧漣牆外小樓浮夕照坵中綠篠帶秋煙
藏書可惜成前夢柱石爭看勝昔年一榻註經
人坐處思量風景尚依然

張霖暴書亭落成詩太史詞名重遺編奕世珍
荒亭逾百載故址慶重新藻采輝今古文章啟
後人荷花池上路依舊昔年春

張龍鼎暴書亭落成詩先生著書時結亭梅里
曲書成八萬卷一一手所錄滿架堆琳瑯籤題
界金粟紅闌四面排暴書向晴旭人去悵亭荒

竹垞小志

卷五

大靜園叢書

遺編誰約束追憶小長蘆秋梧飄野綠名賢欣
戾止衡鑒操冰玉懷古重徘徊遺書緬遺躅鳩
工煥重新屋與亭連屬鴛瓦壓簷齊傍池波漲
淩翼然飛角崇停車閒眺矚作詩記功成佳話
千秋續

周繼善暴書亭落成詩荒亭猶記竹垞名遺址
於今見落成梅里百年尊太史儒林千古重先
生斜陽斷葦平依岸淺水殘荷半繞楹若使小
樓如可建我來攜卷聽秋聲

戴光曾暴書亭落成詩不逢風雅主誰重昔人

居零落百年跡叢殘萬卷書從來惜名士亦若
愛吾廬千个亭前竹春風挹有餘

沈大成暴書亭落成詩槐泝芟池近已無百年
誰到小長蘆落成要待新詩句位置皆依舊畫
圖修竹重栽千萬个垂楊低種兩三株我看鬪
鴨灘前水曾着橫經老釣徒

丁子復暴書亭落成詩二老堂高敞碧天

慈谿鄭孝

廉書常家藏竹垞先生贈其高大父寒村先生
詩墨蹟芸臺閣學題其堂曰二老屬奉兩先生

輜軒采訪重前賢琅玕繪後編詩軸亭榭新來
割俸錢槐泝芟池尋曲折兩窗風幕映便娟六

竹垞小志

卷五

九靜園叢書

峰四面青如許卷帙飄零意惘然

陸用瀚暴書亭落成詩蘋藻秋風薦淥醞小長
蘆畔記曾經後先事業期千載今古才名共一
亭此日園林人立石當年詩酒客盈庭南垞更
植琅玕竹試共攤書碧滿櫺

金光烈暴書亭落成詩太史好古五經紛綸

詔求鴻博言就蒲輪承明著作爲侍從臣銘詞
碑版照耀千春 緬昔歸田築亭晏息萬卷琳
琅古訓是式顏曰暴書游心翰墨長水之南橫
山之北 大雅不作零落青箱扶風帳冷子雲

亭荒茨池槐泝秋水空長伊誰重構繼魯靈光
實惟我公輶軒南出建康成祠鴻文珥筆復
建斯亭落成不日式是南邦以崇經術

沈汪度暴書亭落成詩昔者太史淵懿經術歸
田著書堂開一一竹影紛披琴趣橫逸藏八萬
卷小長蘆側南窗洞開時就晴日蠹走瑤函香
飄緗帙哲嗣云遙漸歸蕭瑟槐泝波澄茨池水
溢使君輶至乃命丹漆重構斯亭軒楹秀出花
木周遮巉巖峭峯壽以文詞以安以佶更徵遺
書搜羅罔失愧乏鴻文凌雲載筆爰記落成千

竹垞小志

卷五

三靜園叢書

秋永吉

蔣浩暴書亭落成詩先生水竹爲生涯乞歸梅
里移作家十三經考富五車入萬卷書揆天葩
才可補天奪靈媧白雪新詞樂府誇潛采之堂
簣簣遮先生避囂遠塵譁櫻鞵桐帽除韞鈔手
編六枳成籬笆了鳥窗仄軀舫斜茨池槐泝堪
通艇青桂巖立高吟呀茶烟閣起凌烟霞招譚
給事手亂義狂吟醉奪邨鼓撾笛漁趨庭蘭茁
芽揮毫袖底蟠靈蛇有亭翼然書交加緇帙參
差如鱸齧四壁空洞拓窗紗日光穿櫺射窻窅

先生一去人興嗟騎鯨空賦歸來些蕭條故址
草如芰瓜蔓壓徑牽蓬麻斷垣腐瓦堆礮礮名
公下車心嗟呀愛人愛及屋上鷓草堂之資寄
非賒斯亭重整開荒葭軒拂蝶蛸壁掃蝸百年
古樹杖屨訝豫章不栽爲乞花柱礎四圍丹碧
塗枯蘆瑟瑟蓬背爬扁舟長水尋魚蝦憑弔先
生著錄奢葉黃苔碧南北垞

湯禮祥重建暴書亭詩檢討昔歸田終朝事著
作暴書一草亭坐臥有餘樂下筆追典謨說經
恥穿鑿碑版窮冥搜蟲魚細商榷依稀魯靈光

竹垞小志 卷五

王靜園叢書

斯文默有託大雅既云徂此亭亦荒落於今未
百年故址日以削峩峩閣部公早步石渠閣衡
文到兩浙高名齊五嶽夙性耽邱墳聞情寄巖
壑行部過鴛湖魚鳥互飛躍緬彼暴書人遺蹟
尚約略俸錢樂捐輸結構慎斟酌堦除翦榛芳
屋角煥丹雘庶幾復名區藉以慰先覺衰微念
遠孫買田負城郭盛事輝千春古道宛如昨往
聞滄浪亭商邱重開拓高會挈羣英詩篇綴瓔
珞公於長水翁後先相照灼愛人推屋烏同調
賞牛鐸豈比醉翁遊山林恣歡謔他年政府歸

畫鷁一停泊還招舊生徒文酒復酬酢空亭發
長嘯驚起雲中鶴

陳鱣暴書亭重建詩孤亭海內仰名儒八萬書

供著錄娛一自龍蛇嗟冷落久教門徑就荒蕪

江湖載酒空詞藻煙雨歸耕賸畫圖不有使君

能好事故居誰問小長蘆室署研經映後先

星軹隸浙稱良緣揄揚早徧徵詩句結構重煩

出俸錢廣攷遺編齋別起謝蘇潭方伯夫子時

經義攷齋新摹粉本壁還聯夫子曾摹竹垞圖秦小

皆為題詠從茲復古成嘉會修宅功同北海傳先是

竹垞小志

卷五

三靜園叢書

山東嘗修鄭司農祠墓重立通德門按孔北海有修鄭公宅教

朱振圖重建暴書亭志德詩緬懷小長蘆槐柳

空芳陌草堂荒復涼韻事成曩昔憶自先太史

獨據談經席才人竝學人道重蘭臺客言歸梅

會里娛老耽幽僻胸中破萬卷琳瑯富圖籍名

亭以暴書久已書成癖高風忽焉遠蟾烏互騰

擲寂寥子雲居惆悵及基宅鉅公持節來當代

文章伯俯仰懷前修想像林棲迹幸逢賢太守

性本崇儒碩經營鳩衆工玲瓏綺窻闢芟池與

蘭沚依舊波千尺小子生獨晚所慙未親炙遺

書歎飄零無由瞻手澤況因久羈游夢繞鴛湖
夕喜聞棟宇新凝眸如接帝勝地重翼然仍當
來詩屐斜橋架綠漪清流濺白石南垞度北垞
蒼茫水煙碧

朱休穀詩垞北垞南憶舊廬當年太史此閒居
一叢寒玉圍三徑落葉秋林正著書 緇塵擾

擾送吟鞭老去心情寄一屨囊橐縱然輸陸賈
琳瑯滿載潞河船 明霞旭日敞中庭一一題

籤照眼青休說圖書天籟富茶烟閣畔暴書亭

百年詞賦江關重六十功名著述多幽意不

竹垞小志

卷五

重靜園叢書

緣山水約歸來經義付巖阿 諸家箋注任雌

黃商訂齟齬翼漢唐名世尚羸三百卷豈唯姓

氏壓吳姜 荷塘醜舫總清幽小墅何殊放鶴

洲 放鶴洲係宋朱敦儒故址後歸于六世祖葵
石公爲別業竹垞先生幼時從叔父讀書其

內洲在長水之北梅會暴書亭在長水之南
洲未廢時先生恆往來其間今俱傾圮矣 惆

悵雲亭空翠好芸香銷歇對閒鷗 遺書零落

付寒煙舊日烏衣景物遷太息研山何處所榮

枯奚必笑平泉 文章曠世有知音珍重宗工

感舊心 學使阮公臨浙經史之家遍加存恤重
建暴書亭以獎來者不第末族增光已

也 德澤卿雲覆被處頓教春煦到寒林 莎廳

竹閣兩名賢暇日披圖得地偏

亭故址為淡人售植桑麻時太

守伊公率司何兩邑侯按竹坨圖各分俸贖址構亭

疊石引泉重結構買

溪多判賜餐錢

堤邊紅樹夕陽秋欣伴行旌

此逗留

亭既落成學使阮公復到亭上休穀借弟休達并族兄十數輩俱隨往

邨

市依然風景好權歌聲裏櫓聲柔

周遭文石

纍平基分付孫枝重護持

學使阮公於亭中顧族兄永之曰斯亭復

成汝等須善守之且撫摩柱石謂太守伊公云將來當刻詩於上記其事

黃絹他年

煩善手不須還問去思碑

翼然仍復媿曹倉

賜榜高懸潛采堂須記栽培深意在研經應

有繼餘芳

竹坨小志

卷五

西靜園叢書

朱休達詩小長蘆畔舊里閣太史當年此結廬

南坨北坨圍寒玉花藥不羨揚雲居中年文彩

動

朝宁晨夕校勘天祿書歸來萬卷欣所託閉門

不為林泉約琴韻閒流靜志居芸芬時繞茶烟

閣雲散星移曾幾時秋蛩春鳩忽凄其荷花池

畔莓苔綠礫瓦頽垣鼯鼠馳深慙王謝烏衣好

誰問嵇山結社基亭榭荒涼塵掩几夕陽瑟瑟

過槐市榮枯興廢迭乘除由來修舉俟君子卓

哉文苑大宗工慨念舊蹟埋煙叢采風懷古一

悵望議行興復謀羣公遂使蒼茫雲水曲翼然
亭子驚崇隆潛彩秋晴鞠蕊黃行旌小駐桑麻
鄉駟馬飛鳧各懽躍聚觀雜遝如堵牆忝隨翼
序附支末身侍襜帷意披豁四壁依稀舊弄藏
竹木千尋猶秀拔回頭刺刺語族人修復毋負
我公仁噫噫修復毋負我公仁

竹垞小志

卷五

圭靜園叢書

竹垞小志卷五終

